



## **JAVNI POZIV ZA UČEŠĆE U PROGRAMU PODRŠKE RAZVOJU MALIH BIZNISA U GORAŽDU**

Grad Goražde, u okviru projekta "Novi pristup kreiranju radnih mjesta: Inovacijama ka prosperitetnom tržištu rada" na osnovu Ugovora o implementaciji broj: 40371627/0 od 24. marta 2022. godine, potpisanog između Međunarodne organizacije rada i Grada Goražde, u ime Lokalnog partnerstva za zapošljavanje Goražde o b j a v l j u j e:

### **JAVNI POZIV ZA UČEŠĆE U PROGRAMU PODRŠKE RAZVOJU MALIH BIZNISA U GORAŽDU**

Partnerske organizacije okupljene u Lokalnom partnerstvu za zapošljavanje Goražde ( čiji je nosilac Grad Goražde, a partneri su Srednja stručna škola „Džemal Bijedić“ Goražde, Udruženje ALDI, Privredna komora BPK Goražde, Udruženje poslodavaca BPK Goražde, Obrtnička komora BPK Goražde, Služba za zapošljavanje BPK Goražde i TVC d.o.o.) pozivaju sve zainteresovane osobe koje žele pokrenuti vlastiti posao da se prijave za učešće u Programu podrške razvoju malih biznisa. Program realizuju partneri u okviru projekta "Novi pristup kreiranju radnih mjesta: Inovacijama ka prosperitetnom tržištu rada" koji se provodi u okviru prjekta "Podrška Evropske unije lokalnim partnerstvima za zapošljavanje – Faza II" koji finansira Evropska unija a realizuje Međunarodna organizacija rada (MOR).

Javni poziv je usmjeren prema nezaposlenim osobama sa područja grada Goražda koje žele pokrenuti vlastiti posao uz edukativnu podršku partnerstva, kao i finansijsku podršku u ukupnom iznosu od 40.000 KM, odnosno do 8.000 KM po registrovanom biznisu.

### **Ko se može prijaviti ?**

Pravo na učešće u Programu podrške razvoju poslovnih ideja i biznisa, imaju punoljetne i nezaposlene osobe koje žele registrovati posao na području grada Goražda.

Prednost za učestvovanje u procesu pružanja podrške razvoju poslovne ideje i biznisa, imati će:

- Trenutno nezaposleni mladi muškarci i žene (18-35 godina)
- Nezaposlene žene
- Lica sa invaliditetom

Poželjno je da kandidati imaju:

- Visok nivo motivacije za pokretanje samostalnog biznisa
- Određena vlastita sredstva za poslovanje
- Obrazovanje za iste ili slične poslove
- Radno iskustvo na istim ili sličnim poslovima
- Sposobnost razmišljanja za definisanje jasne poslovne ideje





## Šta prijavljeni učesnici mogu da očekuju?

Kroz program podrške učesnike očekuje:

- Program podrške za ukupno 20 kandidata, koji će dobiti priliku za učestvovanje u trodnevnoj obuci "Kako doći do poslovne ideje" i "Kako pokrenuti posao", u okviru koje će steći znanja neophodna za razradu poslovne ideje i kompletiranje poslovnog plana,
- Podrška u oblasti poslovnog planiranja,
- Bespovratna finansijska sredstva u maksimalnom iznosu od 8.000 KM za realizaciju poslovne ideje,
- Poslovno mentorstvo u prvoj godini poslovanja i umrežavanje sa srodnim poduzetnicima.

Komisija za procjenu poslovnih ideja će odabrati ukupno 5 najuspješnijih poslovnih planova, čiji nosioci će dobiti finansijsku savjetodavnu podršku, a prije primanja sredstava obavezuju se:

- Da će podržani biznis biti registrovan u periodu nakon dana zatvaranja ovog poziva do momenta potpisivanja ugovora o dodijeli finansijskih sredstava konkretnom biznisu.
- Da podržani biznis registruju u firmi koja podrazumijeva zapošljavanje minimalno jedne osobe (dopunske djelatnosti i neformalni biznisi koji nemaju ni jednu zaposlenu osobu nisu prihvatljivi).
- Da će 12 mjeseci nakon osnivanja održavati biznis aktivnim: bez zamrzavanja statusa ili gašenja.
- Da će u prvoj godini poslovanja zadržavati potpuno ili većinsko vlasništvo nad podržanim biznisom.

Finansijska podrška za pojedinačni poslovni poduhvat može biti u iznosu do 8.000 KM, u skladu sa budžetom projekta. Sredstva se mogu iskoristiti za sufinansiranje nabavke opreme, osnovnih sredstava za rad i potrošnog materijala i nepovratna su uz uslov da se u cjelosti koriste namjenski, za razvoj novoregistrovanog biznisa.

S ciljem dugoročnog razvoja najboljih poslovnih planova i smanjenja rizika od stagnacije u poslovanju, finansijsku i savjetodavnu podršku pružaju članovi partnerstva, odnosno treneri za sprovođenje MOR-ovih paketa obuka "Pokreni svoj posao" i "Unaprijedi svoj posao".

Uslov za dobijanje podrške pri pokretanju i vođenju posla je redovno prisustvo i aktivno učešće na obukama. Svi kandidati će tokom obuke biti detaljno informisani o kriterijima za ocjenu kvaliteta poslovnog plana.

## Način prijave

Zainteresovani kandidati treba da popune prijavni obrazac koji je dostupan na web stranicama [www.mrezaobrazovanja.ba](http://www.mrezaobrazovanja.ba), [www.gorazde.ba](http://www.gorazde.ba) ili prostorijama gradske uprave – kancelarija br. 20.

Rok za podnošenje prijava je **20. decembar do 15:00** časova na adresu:



Uz prijavni obrazac potrebno je priložiti slijedeću dokumentaciju:

- Dokaz – potvrda o statusu nezaposlenosti na evidencijama službi za zapošljavanje
- Kopija lične karte
- Uvjerenje o invaliditetu (ako je primjenjivo)
- Dokument o pripadnosti nacionalnoj manjini (ako je primjenjivo)
- Certifikat o neformalnom obrazovanju (ako je primjenjivo)
- Izjava o spremnosti ulaganja vlastitih sredstava

Popunjene prijave se dostavljaju na protokol Grada Goražda (u pisanom obliku zapakovane i kovertirane) sa naznakom:

***Grad Goražde, Maršala Tita 2, 73 000 Goražde sa naznakom „Prijava na Javni poziv Podrška razvoju malih biznisa“ u okviru projekta „Novi pristup kreiranju radnih mjesta: Inovacijama ka prosperitetnom tržištu rada“***

Nepotpune i neblagovremene prijave neće biti uzete u razmatranje. Za dodatne informacije možete kontaktirati **Asima Dzambegović**, menadžer projekta, kontakt telefon: 038 22 26 56 , e-mail: [asima\\_dzambegovic@gorazde.ba](mailto:asima_dzambegovic@gorazde.ba) .



**GRADONAČELNIK  
Ernest Imamović**